



CONVENIO DE COLABORACIÓN ENTRE O CONCELLO DE PONTEVEDRA E A ASOCIACIÓN DE PERSOAS CON DISCAPACIDADE DE PONTEVEDRA "AMIZADE" PARA O DESENVOLVEMENTO DUN PROGRAMA DE OCIO

En Pontevedra, 2 de Setembro de 2014

REUNIDOS:

Dunha banda, don MIGUEL ANXO FERNÁNDEZ LORES, con DNI nº [REDACTED] actuando en nome e representación do Concello de Pontevedra, no uso das facultades que se lle atribúen na súa condición de Alcalde - Presidente do mesmo, ao abeiro do disposto no artigo 124.4.a) da Lei 7/1985, do 2 de abril, reguladora das bases do réxime local, modificada pola Lei 57/03 do 16 de decembro de medidas para a modernización do Goberno Local, así como o disposto na artigo 41 do Real D.L 2568/1986, do 28 de novembro polo que aprobouse o Regulamento de Organización, Funcionamento e Réxime Xurídico das Entidades Locais.

E doutra, don Paulo Fontán Torreiro co NIF [REDACTED] como Presidente da Asociación de Persoas con discapacidade "AMIZADE" con CIF G-36053445, con domicilio na rúa Alemaña 23, baixo Pontevedra, en nome e representación da mesma, tal e como acredita a certificación expedida pola Secretaría da entidade o 7 de maio de 2014.

Interveñen en función dos seus respectivos cargos e, no exercicio das facultades que teñen conferidas na representación que ostentan

MANIFESTAN:

- I. Que as Administracións Públicas poden celebrar convenios de colaboración con persoas tanto de dereito público como privado ao abeiro do disposto no artigo 88 da Lei 30/92, de Réxime Xurídico das Administracións Públicas e do Procedemento Administrativo común, modificada pola Lei 4/1999 do 13 de xaneiro.
- II. Que segundo os datos existentes nos rexistros dos servizos sociais municipais, no concello de Pontevedra existe un número importante de persoas con discapacidade que requiren servizos de apoio para a mellora da súa calidade de vida, co obxectivo de favorecer a inclusión destas persoas en tódolos ámbitos (escolar, familiar, social, laboral...).
- III. Que o Concello, como administración pública con competencias, ten que asegurar a execución de programas e proxectos destinados á prestación de servizos que satisfagan as necesidades deste colectivo de tal xeito que poidan disfrutar dos seus dereitos en condicións de igualdade real, co mais absoluto respecto a súa dignidade, puidendo dar a cobertura mediante convenios de colaboración con entidades de iniciativa social de recoñecida solvencia.
- IV. Que a Lei 7/1985, do 2 de abril, Reguladora das Bases do Réxime Local, no seu artigo 25.2.k atribúe aos concellos a prestación de servizos sociais e a promoción e reinserción social, establecendo o artigo 20 de Lei 5/1997, do 22 de xullo, de Administración Local de Galicia que os concellos para a xestión dos seus intereses e no ámbitos das súas competencias, poderán promover toda clases de actividades

e prestar tódolos servizos públicos que contribúan a satisfacer as necesidades dos cidadáns.

- V. Que o Decreto 99/2012, de 16 de marzo que regula os servizos sociais comunitarios e o seu financiamento establece a necesidade de favorecer o mantemento dos vínculos familiares e comunitarios daqueles colectivos con problemáticas concretas.
- VI. Que a Asociación AMIZADE de Pontevedra é unha entidade sen ánimo de lucro inscrito no rexistro provincial de asociacións, coa finalidade de mellorala calidade de vida das persoas con discapacidade, potenciando o pleno desenvolvemento das súas capacidades individuais, favorecendo a súa integración familiar, escolar, laboral e social.
- VII. Que para poder traballar os procesos de integración e de inclusión social das persoas con discapacidade precísanse dispositivos especiais, programas e recursos que permitan acadar maiores niveis de atención e de integración social na comunidade.
- VIII. Entre os obxectivos fundacionais da asociación AMIZADE destacan o fomento da constitución da Asociación naqueles lugares onde non se cubra a atención das persoas con discapacidade.
- IX. Que a asociación de persoas con discapacidade AMIZADE ademais de desenvolver actividades dirixidas á integración destas persoas promove actitudes positivas, así como a lexislación axeitada que mellores a situación deste colectivo, desenvolvendo estratexias solidarias destinados a acadar equilibrio interterritoriais en calidade e servizos.
- X. Que se considera necesario polo Concello de Pontevedra a actividade que desenvolve esta asociación prestando atención especializada a estas persoas, como medio para contribuír ao seu desenvolvemento persoal e integración social.
- XI. Que ámbalas dúas partes consideran de particular importancia o establecemento de accións conxuntas en materia de inserción social destas persoas co fin de mellorar, na medida do posible, a problemática presentada por este colectivo no seu día a día no Concello de Pontevedra.

Por todo o exposto, as partes comparecentes, na representación que ostentan,

ACORDAN:

Subscribir un convenio de colaboración coa asociación de persoas con discapacidade "AMIZADE" de Pontevedra para o desenvolvemento do seu proxecto de ocio con suxeición ás seguintes

CLÁUSULAS:

PRIMEIRA.- Obxecto.

O presente convenio ten por obxecto regular a colaboración entre o Concello de Pontevedra e a asociación de persoas con discapacidade AMIZADE para o desenvolvemento das actividades de ocio que teñen lugar nas instalacións que esta

asociación ten no concello de Pontevedra, actualmente na rúa Alemaña, así como actividades de lecer con saídas de interese cultural e natural as cales van dirixidas a conseguir unha maior autonomía en tódolos ámbitos da súa vida.

SEGUNDA.- Obxectivos do programa "Integradas no Lecer"

O obxectivo do programa "*integradas no lecer*", no que o concello vai colaborar a través deste convenio de colaboración, é incrementar a participación social das persoas con discapacidade a través do ocio e do tempo libre, contribuíndo ao seu desenvolvemento integral e consecuentemente a súa integración social en todos os ámbitos da sociedade en igualdade de condicións.

Pódense determinar como obxectivos específicos os seguintes:

- Mellorar as capacidades manuais
- Fomentar a autonomía a todos os niveis das persoas con discapacidade.

TERCEIRA.- Destinatarios

Os destinatarios do programa "*integradas no lecer*", que será financiado polo concello, serán directamente as 8-10 persoas discapacitadas pertencentes a asociación da cidade de Pontevedra, e indirectamente as familias dos mesmos.

O convenio se manterá nas mesmas condicións subscritas sempre e cando o número de usuarios a este programa se manteña.

A asociación de persoas con discapacidade AMIZADE contará en cada momento co persoal axeitado para a prestación da súa programación contando ademais do persoal sinalado anteriormente, con persoal voluntario que colaborará nas labores complementarias.

O persoal contratado pola asociación para prestar os seus servizos serán traballadores da mesma non tendo ningún tipo de relación contractual ou doutra índole co Concello de Pontevedra.

CUARTA.- Orzamento

Para a desenvolvemento das actuacións sinaladas nas cláusulas anteriores o Concello de Pontevedra achegará, dos orzamentos municipais para o ano 2014, a contía de 2.000 €.

As achegas feitas polo Concello de Pontevedra serán destinadas a sufragar os gastos xerados para o desenvolvemento da programa "*integradas no lecer*".

QUINTA.- Xustificación e Pago

A entidade presentará a xustificación de todos os gastos da actividade desenrolada no marco do convenio, referidos a cada período anual de vixencia.

A data límite para a presentación da xustificación será para cada anualidade a de 31 de outubro do exercicio correspondente, e deberá referirse aos gastos efectivamente realizados, segundo o parágrafo anterior, a esa data.

Os gastos realizados no período comprendido entre o 1 de novembro e 31 de decembro de cada exercicio poderán imputarse como gasto correspondente a anualidade inmediatamente posterior.

O Concello de Pontevedra realizará os pagamentos contra xustificación dos gastos realizados, mediante facturas, nóminas, etc, que deberán ser presentados pola asociación AMIZADE perante o concello.

Poderán efectuarse pagos parciais que se xustificarán do xeito previsto anteriormente.

A presentación da conta xustificativa fóra do prazo indicado constitúe unha infracción leve por incumprir as obrigas recollidas na normativa reguladora das subvencións públicas, que dará lugar á imposición das sancións legalmente previstas.

A falta de presentación de xustificación unha vez transcorridos os prazos salientados, dará lugar ao requerimento de xustificación por parte do concello, no prazo improrrogable de 15 días. A falta de presentación da xustificación en este novo prazo levará a perda da subvención polo que respecta ao período/anualidade non xustificada, pero manterá a vixencia ao respecto de períodos/anualidades posteriores.

O Concello someterase á normativa vixente en materia de subvencións, Lei 38/2003, do 17 de novembro, xeral de subvencións, e o seu regulamento de desenvolvemento aprobado polo R.D.887/2006 do 21 de xuño e da Ordenanza Xeral Reguladora de Subvencións do Concello de Pontevedra. Segundo o establecido no artigo 5º da devandita Ordenanza, e tendo en conta que a actividade a financiar por este convenio é de especial interese público e social, a porcentaxe subvencionabel polo Concello poderá ser do 100% do custo da actividade, sen que en ningún momento supere a contía total prevista na cláusula cuarta do presente convenio.

SÉXTA.- Modificación do convenio

Toda alteración das condicións previstas no convenio e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da contía da axuda contemplada no presente convenio.

Ao abeiro do previsto na Ordenanza Xeral reguladora das subvencións no Concello de Pontevedra a asociación de persoas con discapacidade AMIZADE ten a obriga de presentar unha declaración de axudas ou subvencións concedidas para o mesmo fin que o estipulado neste convenio.

A suma do conxunto das axudas solicitadas e/ou concedidas para o obxecto do convenio non poderá superar o 100 % do custo da actividade a desenvolver.

SÉTIMA.- Comisión de seguimento.

Constitúese unha comisión mixta de seguimento, control e avaliación á que serán sometidas tódalas cuestións derivadas do desenvolvemento deste convenio, así como a resolución de cantas dúbidas poidan xurdir sobre o mesmo.

Esta comisión estará composta en representación do Concello de Pontevedra pola/o Concelleira/o Delegada/o da Área de Benestar Social ou persoa na que delegue, pola/a Xefa/a de Servizo de Benestar Social e pola Xefa de Sección da Oficina Técnica de

Benestar Social; e pola asociación de persoas con discapacidade AMIZADE o presidente ou persoa na que delegue e polo responsable do proxecto presentado.

A comisión terá as seguintes funcións:

- 1.- Facer o seguimento e control do cumprimento do convenio.
- 2.- Interpretar e resolver as dúbidas, que se poidan suscitar na aplicación do convenio.

A devandita comisión reunirse no último trimestre do ano para avaliar o desenvolvemento do convenio, sen prexuízo de que durante o ano poidanse efectuar algunha supervisión polos técnicos da Oficina Técnica de Benestar Social do Concello.

OITAVA.- Causas de resolución.

Sen prexuízo das causas xerais de resolución dos contratos previstas no Texto Refundido da Lei de Contratos do Sector Público aprobado polo Real Decreto Lexislativo 3/2011, tamén serán causa de resolución do presente convenio e darán lugar, no seu caso, ó reintegro das cantidades percibidas cos seus correspondentes xuros, as seguintes:

- Por decisión unilateral do Concello por causas xustificadas, previa denuncia, en forma acreditada, cun prazo de antelación dun mes.
- O incumprimento de calquera das cláusulas establecidas no mesmo.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das cantidades recibidas

NOVENA.- Publicidade, seguimento e colaboración.

A asociación de persoas con discapacidade AMIZADE obrígase a:

- a) Facer constar en todo tipo de publicidade e información que se realice no desenvolvemento deste programa, a participación e colaboración do Concello de Pontevedra e o seu correspondente logotipo.
- b) Remitir anualmente ao Concello de Pontevedra un informe das actuacións levadas a cabo ó abeiro deste convenio.
- c) Informar aos servizos sociais da Concellería de Benestar Social do Concello de Pontevedra do desenvolvemento das actividades que se realicen, así como calquera variación outra circunstancias.
- d) Facilitar toda a información que lle sexa requirida pola Intervención Xeral do Concello de Pontevedra, no exercicio das súas funcións de fiscalización e control do destino das axudas.

DÉCIMA.- Relación laboral

A subscripción do presente convenio non implicará relación laboral, ou de calquera outra natureza, entre as persoas ou profesionais que desenvolvan as accións que constitúen o obxecto deste convenio co Concello de Pontevedra, de tal xeito que, por este concepto, non se lle poderá esixir á Concello de Pontevedra responsabilidade algunha, nin directa nin subsidiaria.

A asociación quedará obrigada a cumprir as disposicións vixentes en materia laboral, de seguridade social e fiscais.

DÉCIMOPRIMEIRA.- Réxime xurídico.

O presente convenio ten carácter administrativo dacordo co disposto no artigo 4 do Texto Refundido da Lei de contratos do Sector Público e demais normativa de aplicación en materia de contratos.

En caso de incumprimento do presente convenio, transgresión na súa execución ou desistimento pola outra parte procederase á súa inmediata resolución. Concorridos tales supostos esta entidade reintegrará ao Concello de Pontevedra as contías aboadas, cos xuros a que dean lugar.

As lagoas ou controversias que xurdidas na aplicación do presente convenio interpretaranse e resolveranse motivadamente pola Administración municipal, previo ditame non vinculante da comisión á que fai referencia a cláusula sétima contra estas resolucións e polo carácter administrativo deste convenio, resolveranse no ámbito xurisdiccional contencioso administrativo.

DECIMOSEGUNDA.- Duración.

O presente convenio terá unha vixencia de 2 anos a partir do 1 de xaneiro do ano 2014, entendéndose prorrogado por períodos anuais ata un máximo de 4 anos, salvo denuncia das partes.

E, en proba de conformidade cos termos do convenio, as partes comparecentes asinan e rubrican por triplicado exemplar, no lugar e data indicados na cabeceira.

O ALCALDE-PRESIDENTE
CONCELLO DE PONTEVEDRA

Asdo: Miguel Anxo Fernández Lores

DO O PRESIDENTE DA ASOCIACIÓN DE
PERSOAS CON DISCAPACIDADE
AMIZADE

Asdo: Paulo Fontán Torreiro